

փախչէր, ի մէջ ջրոյն կացեալ, հայր զհնարս խորհէր ազատելոյ զկին և զաւակ իւր և ոչ գտանէր. վաճառականք ողորմելիք տարակուսեալք ոչ գիտէին զինչ առնել, այսքան ապրանք, ուր կարէին փախուցանել. ոմանք ի հինգ տեղիս փախուցին զկահ կարասի իւրեանց, զկին և զորդի և անդ զկնի հասանէր ջուրն. յամենայն աչս արտասուք և յամենայն բերանս ողբ. ոչ էր հնար բարեկամ ընդ բարեկամի խօսիլ, իսկոյն արտասուք յերկոցունց աչաց յորդէին, նմին իրի առ միմեանս կացեալ ոչ կարէին խօսիլ. եթէ ոք տեսանէր միայն զճառագիւտութիւն դիմաց, զդեղնութիւն երեսաց, զցամաքութիւն և զտրութիւն շրթանց ամենայն մարդկանց իսկոյն անտի մակաբերէր զներքին աղէտս տարակուսութեան նոցա. ոմանք ի բաց թողեալ զտարակուսութիւնն, ծախէր բազում դրամս, բերել տայր հողս և զտամբն ընոյր, զի մի մտցէ ջուրն ի ներքս, այլ ջուրն ի յատակէ տանն ելանէր, և ընդ վայր լինէր աշխատանքն և ծախն. ապա զինչ արասցեն, ամենայն ոք կարօղն է գնեաց նաւս և նաւակս և բիտայս, և ծածկեցին իբրև զպուռք կահեօք և կարասեօք և ընտանեօք մտին ի ներքս որպէս նոյ ի տապանն. բայց ուր կարէր գտանիլ այնքան նաւ, նաւակ, սալ, և բիտոյայ բաւական ամենեցուն. հինգ ֆօրինդնոց բիտան երեսուն և եօթն և քառասուն ֆօրինդով տային, միայն թէքնէն, և ոչ գտանիւր, ես բերել ետու յայլ ուստեքէ երեսուն և եօթն ֆօրինդով, և ծածուկով ամենայն եղև ինձ եօթնասուն ֆօրինդ. լալով և վճարելով կրկնապատիկ հարիւրապատիկ խնդրէին մարդիք նաւակս և ոչ գտանէին. ապա գային արտասուաթոր աչօք աղաչէին զինքեանս, և կամ զմի սընտուկ ի նաւն առնուլ են. Արդ մինչև ցայս վայր եկեղեցին մեր բաց էր, և ժողովուրդն գայր նաւակաւ և փոքր մի միսիթարէին: Ես սպասէի ֆօռէրին հրատարակել աղթս պաղատանս առնել, իբրև տեսի, թէ ոչ առնէ, այլ ի յորդորելն ոմանց սասցեալ է, թէ Աստուած հրաշս ոչ առնէ, ես հրամայեցի իմոյ ժողովրդեան յամենայնում աւուր տեսանել զպատարագ, և յերեկոյնի գայ ժողովիլ յեկեղեցին, և առաջի սրբութեան ասել զամենայն սրբոց զլիթանիան ձայնիւ և զայլ պաղատանս առնել. այլ քանզի եկեղեցին աղքատ է, ոչ կարէ աւուրս բազումս սրբութիւն դնել, զկնի միոյ շաբաթու հաստատեցի... շաբաթ մի ամբողջ պահս պահէ. յաւուր տօնի մարմնոյ և արեան ի պահս էին ամենայն մեր ժողովուրդ, և կարծեմ թէ ոմանք նէմցէք ևս, և յետոյ ժողովրդօք խօստացաք հետի երթալ յուխտ ի մարիաշնէ. և յայսմ շաբաթ աւուր եթէ կամք տեառն լինիցի, երթամք: Եւ այս ամենայն վասն ազատելոյ զմեզ ի ջրոյ, և ի հիւանդութենէ, որ զկնի ցամաքիլ ջրոյն ի գարշահոտութենէ լինիլ կարէ պէսպէս հիւանդութիւնք, ի գետնաշարժութենէ, ի կայծականէ և ի մրրկէ: Դէմցէքն խուռն գային յեկեղեցին մեր. և այս ջերմեռանդութիւն մեծ շինութիւն եղև, և մեծ անուռն հայոց ազգին: Ֆօռէրն տակաւն ոչ զարթնոյր, լսէր զտրտունջս ժողովրդեան և անփոյթ լինէր. յետոյ ժողովեցան մաճիստաթն, և հրամայեցին ի նախատինս նորա կարգել աղօթս և խնդրուածս. և նա ստիպեալ կատարեաց զխնդրուածս նոցա. և յետ նոցա ըռացքն ևս սկսան թափօր առնել. և հսկումն ի գիշերի, ևն. Արդ յև ևս աճիլ ջրոյն մեք ևս ընդ հայր սիմոնին մտաք յայլոյ նաւս, զի մերն չև էր եզերեալ, և ապա ի մերն մտաք, և եկեղեցին փակեցաւ, և ոչ էր հնար պատարագել անդ վասն ջրոյն, զի ջուրն ի վեր քան զատիճանս բեմից չորս մատ ի վեր էր: Քարծաւ առեան և դատաստան. արհեստաւորք լոցեցին, դադարեցան վաճառք. բիացան սուգ զգեցաւ, և ոչ ոք էր որ զնէր, և ոչ որ վաճառէր. բարձաւ ուրախութիւն ի պանդոկաց հրամանաւ մաճիսթոաթին. ուր աստ կերակրոց խոկումն, կամ սեղանոց զարդարանք. ուր աստ ամօթ և պատկառանք կանանց և աղջկանց ի փողոցի մինչև ցտիկնս ի ջուրն գալէին լալով: Եւ կամ ուր տեսանիւր զարդարիլ կանանց ևս մեծամեծաց. ուր աստ ամօթ և տարակուսանաց. բայց այսու ամենայնի տակաւին մի անցուկ ճանապարհ էր, ընդ որ ի քաղաքէն կարէր ելանել ոք. և բազումք ելին ի քաղաքէն ի լերինս և յանտառս, և անդ կամէին բնակիլ մինչև տեսցեն զկատարածն. և անդ ևս ոչ գտին հանգիստ, զի աւագակք յարեան, և թալանէին զոտսա. ապա փախեան ի բարձրաբերց քաղաքս, և մինչև ցայժմ անդ են և ոմանք դարձան: Յետ այսորիկ փակեցաւ և այն անցք, ընդ որ անհնար էր ձիով կամ կառօք անցանել. և փակեցաւ քաղաքն շուրջ